

Let's Karsis tema Karnival Siswa Siswi

KUALA LUMPUR 26 Nov. - Pesta Konvokesyen Universiti Sains Islam Malaysia (USIM) kali Ke-11 yang akan berlangsung pada 28 November hingga 1 Disember ini buat pertama kalinya menyaksikan penganjuran serentak Program Karnival Siswa Siswi (Karsis).

Program bertemakan *Let's Karsis* itu akan diadakan di Kompleks Sultan Tunku Najihah USIM, Kampus Nilai, Negeri Sembilan.

Pengarah Program Karsis, Muhammad Aziz Alias berkata, karnival itu bertujuan memberi peluang kepada persatuan pelajar yang bernaung di bawah Hal Ehwal Pelajar USIM memperkenalkan organisasi masing-masing seterusnya mencari ahli baharu untuk diserapkan ke dalam persatuan tersebut.

Buat masa ini, katanya, sebanyak 20 persatuan daripada 44 persatuan pelajar berdaftar di USIM dipilih menyertai program tersebut.

Antaranya, tambah beliau, Urus Setia Majlis Perwakilan Pelajar, Sekretariat Pendakwah Muda Malaysia, Kelab Debat, Urus Setia Pembangunan Latihan Mahasiswa, Pembimbing Rakan Sebaya, Sekretariat Rukun Negara, Urus Setia Kesenian Pelajar dan Sekretariat Fakulti Eko-

**Pesta
KONVO**
Utusan Malaysia **Mingguan** **USIM**
kali ke-11, 2013

nomi dan Muamalat.

"Selain itu, turut berdaftar adalah Jawatankuasa Kolej Kediaman, Sekretariat Perhubungan Pelajar Fakulti al-Quran dan as-Sunah, Sekretariat Fakulti Sains dan Teknologi dan Kelab Penyayang.

"Pertubuhan lain adalah Sekretariat Permuafakatan Siswa Siswi Felda, Sekretariat Pelajar Luar Kampus, Sahabat Kembara Ilmu, Persatuan Mahasiswa Fakulti Kepimpinan dan Pengurusan serta Kelab Undang-Undang Syariah USIM," katanya dalam kenyataan di sini hari ini.

Sehubungan itu, Muhammad menggesa seluruh mahasiswa USIM dan masyarakat sekitar bersama-sama memeriahkan program Karsis tersebut memandangkan penganjurannya kali ini menjanjikan sesuatu yang luar biasa berbanding sebelumnya.

"Unity in Diversity"
let's karsis